

Gramatica de l'occitan estandard

Jos la direccion de Florian Vernet

EXTRAIT DE L'INTRODUCTION

La presenta gramatica es un obratge de basa destinat a totes los que vòlon conéisser, apréner e ensenhar la lenga occitana.

Es lo resultat de dètz ans d'un trabalh collectiu menat pels membres de l'Academia Occitana dins los domenis lexical, morfologic e sintaxic.

Se fonda sus l'ensem de totes las varietats vivas enrasigadas sus l'espandí d'òc e parièrament sus la presa en compte de son istòria, dins la continuitat plan compresa del projècte de Loís Alibèrt.

Basada principalament suls parlars centrals intègra las variantas dels parlars periferics que permeton al diasistèma de fonccionar plenament.

Es una gramatica de la lenga occitana estandard e non la de tala o tala varietat particulara. Delà las realizacions diferentas, se vòl la gramatica de çò mai comun, mai universal, mai apte a religar entre eles los occitanofòns quina que siá lor practica, activa o passiva, orala o escrita, d'una varietat eiretada o apresada. [...]

Es la gramatica d'una lenga fidèla a sas realizacions passadas mas tanben preparada per abordar la modernitat e la neologia dins un projècte panoccitan clarament explicitat. Dona la prioritat a çò qu'es comun a totes dins una pontannada ont la transmission dirècta, per la família o per la societat, es venguda de mai en mai problematica. Favorís la comunicacion e los escambis mai largs, a l'ora que son indispensables e que los parlars abandonats a las decisions localas e personalas tendon a divergir o a se veire objèctes de recomposicions azardosas.

Es la gramatica d'un estandard eficaç, d'un espleit de referéncia que deu permetre a las varietats en usatge d'escapar al localisme identitari, a de « dialèctes » arbitràriament reconstituïts e de mai en mai isolats unes dels autres, a la reduccion e a la parcellizacion del vocabulari, a la folclorizacion, a l'isolament e a la decadéncia.

Es la gramatica d'una Lengua, e non solament la d'un parlar particular, per legitime que siá a son nivèl, e en consequéncia es susceptible d'establir una comunicacion eficaça entre los occitans primièr, de ganhar lo respècte dels autres, e de donar a totes enveja de la veire capabla de crear e de se desvolopar, jos totes sas fòrmas.

Florian Vernet

BON DE COMMANDE

NOM : Prénom :

Société :

Adresse Postale :

.....

Code Postal : Ville.....

Pays (pour l'étranger) :

E-mail :

Souhaite faire la commande de exemplaire(s) de « Gramatica de l'occitan estandard » à son **tarif de lancement de 8€ + frais de port** (5,82 € pour un seul ouvrage et 7,76 € pour plusieurs). Je joins à ma commande un **règlement par chèque** d'un montant de € à l'ordre du Collègi d'Occitania.

Date et Signature :

Pour tout renseignement ou pour des commandes supérieures à 5 ouvrages, merci de nous contacter à : abonnement@logaisaber.com